


增壹阿含經

第四

二百六十六  
蘭四

49415



增壹阿含經卷第四

符秦建元年三歲曇摩難提譯

一子品第九

聞如是一時佛在舍衛國祇樹給孤獨園尔  
時世尊告諸比丘猶如母人心懷篤信唯有  
一子恒作是念云何當教授彼使成為人尔

時諸比丘白世尊曰我等世尊不解

尊是諸法之本如來所陳靡不承受

尊與諸比丘說此深法聞已奉行尔時世尊

告諸比丘諦聽諦聽善思念之吾當為汝分

別其義諸比丘對曰如是世尊尔時諸比丘

從佛受教世尊告曰猶彼優婆斯心懷篤信





作是教訓汝今在家當如質多長者亦如象  
童子所以然者此是其限此是其量世尊受  
證弟子所謂質多長者象童子也若童子意欲  
剃除鬚髮著三法衣出家學道當如舍利弗  
目捷連比丘所以然者此是其限此是其量  
所謂舍利弗目捷連比丘好學正法莫作邪  
業興起非法設汝生此染著之想便當墜墮  
三惡趣中善念專心不得者得不獲者獲未  
得證者今當受證所以然者諸比丘信施之  
重實不可消令人不得至道是故諸比丘莫  
生染著之意已生當滅如是諸比丘當作是  
學亦時諸比丘聞佛所說歡喜奉行

聞如是一時佛在舍衛國祇樹給孤獨園。爾時世尊告諸比丘。篤信優婆塞。有一女。彼當云何教訓成就。爾時諸比丘白。世尊曰。我等世尊不解此義。世尊是諸法之本。如來所陳。靡不承受。唯願世尊與諸比丘說此深法。聞已奉行。爾時世尊告諸比丘。諦聽。諦聽。善思。念之。吾當爲汝分別其義。諸比丘對曰。如是。爾時諸比丘從佛受教。世尊告曰。猶彼篤信優婆塞。教訓女曰。汝今在家者。當如拘離多羅。優婆塞難陀母。所以然者。此是其限。此是其量。世尊受證弟子。所謂拘離多羅。優婆塞難陀母。是若女。意欲剃除鬚髮。著三法衣。中。



家學道者當如識摩比丘尼優鉢華色比丘  
尼所以然者此是其量此是其限所謂識摩  
比丘尼優鉢華色比丘尼好學正法莫作邪  
業興起非法設汝生此染著之想便當墜墮  
三惡趣中善念專心不果者果不獲者獲未得  
證者今當受證所以然者比丘信施之重實  
不可消令人不得至道之趣是故諸比丘莫  
生染著之想已生當滅如是諸比丘當作是  
學今時諸比丘聞佛所說歡喜奉行  
聞如是一時佛在舍衛國祇樹給孤獨園  
時世尊告諸比丘我不見一法疾於心者無  
以方法不可摸則心迴轉疾是故諸比丘凡

夫之人不能觀察心意是故諸比丘常當降  
伏心意令趣善道亦當作是學。爾時諸比丘  
聞佛所說歡喜奉行。

聞如是一時佛在舍衛國祇樹給孤獨園。爾  
時世尊告諸比丘：我不見一法疾於心者，無  
譬可喻，猶如猕猴捨一取一心，不專定心亦  
如是。前想後想所念不同，是故諸比丘。凡夫  
之人不能觀察心意所由，是故諸比丘。常當  
降伏心意，得趣善道。如是。諸比丘。當作是學。  
爾時諸比丘聞佛所說歡喜奉行。

聞如是一時佛在舍衛國祇樹給孤獨園。爾  
時世尊告諸比丘：我恒觀見一人心中所念。



之事此入如屈伸臂頃墮泥犁中所以然者  
由惡心故心之生病墜墮地獄尔時世尊便  
說偈言

猶如有一人

心懷瞋恚想

今告諸比丘

廣演其義趣

今正是其時

設有命終時

假令入地獄

由心穢行故

是故諸比丘當降伏心勿生穢行如是諸比  
丘當作是學尔時諸比丘聞佛所說歡喜奉  
行

聞如是一時佛在舍衛國祇樹給孤獨園尔  
時世尊告諸比丘我恒觀見一人心中所念  
之事如屈伸臂頃而生天上所以然者由善心



故已生善心便生天上。今時世尊便說偈曰：  
設復有一人而生善妙心，今告諸比丘  
廣演其義趣。今正是其時，設有命終者  
便得生天上。由心善行故。

是故諸比丘當發淨意，勿生穢行。如是諸比  
丘當作是學。今時諸比丘聞佛所說歡喜奉行。  
聞如是一時佛在舍衛國祇樹給孤獨園。今  
時世尊告諸比丘：我於此衆中不見一法最  
勝最妙，眩惑世人不至永寂縛著牢獄，無有  
解已。所謂男子見女人色已，便起想著，意甚  
愛敬，令人不至永寂縛著牢獄，無有解已。意  
不捨離，周旋往來。今世後世迴轉五道，動歷

劫數介時世尊便說偈曰

梵音柔軟聲

如來說難見

或復有時見

繫念在目前

亦莫與女人

往來與言語

恒羅伺捕人

不得至無為

是故諸比丘當除諸色莫起想著如是諸比

丘當作是學介時諸比丘聞佛所說歡喜奉行

聞如是一時佛在舍衛國祇樹給孤獨園介

時世尊告諸比丘我於此衆中不見一法最

勝最妙眩惑世人不至永寂縛著牢獄無有

解已所謂女人見男子色已便起想著意甚

愛敬令人不至永寂縛著牢獄無有解已意

不捨離周旋往來今世後世迴轉五道動塵



劫數介時世尊便說偈曰

若生顛倒想 興念恩愛心

念除意染著

便無此諸穢

是故諸比丘當除諸色莫趣想著如是諸比丘當作是學介時諸比丘聞佛所說歡喜奉行聞如是一時佛在舍衛國祇樹給孤獨園介時世尊告諸比丘我於此衆中不見一法無欲想便起欲想已起欲想便增益無瞋恚想便起瞋恚已起瞋恚便增多無睡眠想便起睡眠已起睡眠便增多無調戲想便起調戲已起調戲便增多無疑想便起疑想已起疑想便增多亦當觀惡露不淨想設作亂想無

欲想便有欲想已有欲想便增多瞋恚睡眠  
本無疑想便起疑想已起疑想便增多是故  
諸比丘莫作亂想常當專意如是諸比丘當  
作是學尔時諸比丘聞佛所說歡喜奉行  
聞如是一時佛在舍衛國祇樹給孤獨園尔  
時世尊告諸比丘我於此法中不見一法未有  
欲想便不生欲想已生欲想便能滅之未生瞋恚  
想便不生已生瞋恚想便能滅之未生睡眠  
想便不生已生睡眠想便能滅之未生調戲  
想便不生已生調戲想便能滅之未生疑想  
便不生已生疑想便能滅之亦當觀惡露不  
淨已觀惡露不淨未生欲想便不生已生欲



想便能滅之未生瞋恚便不生已生瞋恚便能滅之乃至疑未生疑想便不生已生疑想便能滅之是故諸比丘常當專意觀不淨想如是諸比丘當作是學今時諸比丘聞佛所說歡喜奉行

二斯及二心

一墮一生天

男女想受樂

二欲想在後

增壹阿含經護心品第十

聞如是一時佛在舍衛國祇樹給孤獨園今時世尊告諸比丘當修行一法當廣布一法修行一法廣布一法已便得神通諸行寂靜得沙門果至泥洹界云何為一法所謂無放

逸行云何為無放逸行所謂護心也云何護  
心於是比丘常守護心有漏有漏法當彼守  
護心有漏於有漏法便得悅豫亦有信樂住  
不移易恒專其意自力勸勉如是比丘彼無  
放逸行恒自謹慎未生欲漏便不生已生欲  
漏便能使滅未生有漏便不生已生有漏便  
能使滅未生無明漏便不生已生無明漏便  
能使滅比丘於彼無放逸行閑靜一處恒自  
覺知而自遊戲欲漏心便得解脫有漏心無  
明漏心便得解脫已得解脫便得解脫智生  
死已盡梵行已立所作已辦更不復受有如  
實知之尔時世尊便說此偈



無慢甘露跡  
慢者則是死

放逸是死徑

無慢則無死

是故諸比丘當念修行無放逸行如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時時世尊告諸比丘當修行一法當廣布一法修行一法廣布一法已便得神通諸行寂靜得沙門果至泥洹處云何為一法謂無放逸行於諸善法云何無放逸行所謂不觸燒一切衆生不害一切衆生不惱一切衆生是謂無放逸行彼云何名善法所謂賢聖八聖道等

見等方便等語等行等命等治等念等定等  
是謂善法。尔時世尊便說偈曰

施一切衆生 不如法施人 雖施衆生福

一人法施勝

是故諸比丘當修行善法。如是諸比丘當作  
是學。尔時諸比丘聞佛所說歡喜奉行。

聞如是一時佛在舍衛國祇樹給孤獨園。尔  
時世尊告諸比丘當云何觀檀越施主。尔時  
諸比丘白世尊曰世尊是諸法之主。唯願世  
尊與諸比丘而說此義。聞已盡當奉持。尔時  
世尊告諸比丘諦聽諦聽善思念之。我當與  
汝分別其義。對曰如是世尊。尔時諸比丘從



佛受教世尊告曰檀越施主當恭敬如  
子孝順父母養之侍之長益五陰於閻浮利  
地現種種義觀檀越施主能成人戒聞三昧  
智慧諸比丘多所饒益於三寶中無所罣礙  
能施卿等衣被飲食牀榻卧具病瘦醫藥是故  
諸比丘當有慈心於檀越所小恩常不忘況  
復大者恒以慈心向彼檀越說身口意清淨之  
行不可稱量亦無有限慈口行慈意行使彼  
檀越所施之物終不唐捐獲其大果成大福  
祐有大名稱流聞世間甘露法味如是諸比  
丘當作是學尔時世尊便說偈曰  
施以成大財 所願亦成就 王及諸盜賊

不能侵彼物

施以得王位

紹繼轉輪

七寶具足成

本施之所致

布施成天身

首著雜寶冠

與諸妓女遊

本施之果報

施得天帝釋

天王威力盛

千眼莊嚴形

本施之果報

布施成佛道

三十二相具

轉無上法輪

本施之果報

介時諸比丘聞佛所說歡喜奉行

聞如是一時佛在舍衛國祇樹給孤獨園介

時世尊告諸比丘檀越施主當云何承事供

養精進持戒諸賢聖人介時諸比丘白世尊

曰世尊是諸法之主唯願世尊與諸比丘而

說此義聞已盡當奉持介時世尊告諸比丘



諦聽諦聽善思念之我當與汝分別是義對  
曰如是世尊今時諸比丘從佛受教世尊告  
曰檀越施主承事供養精進持戒諸多聞者  
猶如與迷者指示其路糧食乏短而給施食  
恐怖之人令無憂惱驚畏之者教令莫懼無  
所歸者與作覆護盲者作眼目與病作醫王  
猶如田家農夫修治田業除去穢草便能成  
就穀食比丘常當除去五盛陰求入無畏泥  
洹城中如是諸比丘檀越施主承事供養精  
進持戒諸多聞者當於今時阿那邠持長者  
集在彼眾今時長者阿那邠持白世尊曰如  
是世尊如是如來一切施主及與受者猶吉

祥瓶諸受施人如毗沙王勸人行施如親父  
母受施之人是後世良祐一切施主及與受  
者猶如居士世尊告曰如是長者如汝所言  
阿那邠持長者白世尊曰自今已後聞不安  
守亦不巨逆比丘比丘居優婆塞優婆塞及  
諸行路乏糧食者今時阿那邠持長者白世  
尊曰唯願世尊及比丘衆受弟子請今時世  
尊默然受長者請今時長者已見世尊默然  
受請即禮佛遶三匝還歸所在到舍已即其  
夜辦具甘饌種種飲食廣敷坐具自白時到  
食具已辦唯然世尊願時臨願今時世尊將  
諸比丘衆著衣持鉢詣舍衛城至長者家到



已各自就坐諸比丘僧亦各隨次坐。爾時長者見佛比丘衆坐定，手自斟酌，行種種飲食。已行種種飲食，各收鉢器，更取卑坐在如來前，欲聽聞法。爾時長者白世尊言：「善哉！如來聽諸比丘隨所須物，三衣鉢盂，鍼筒，居士師壇衣裳，法澡灌及餘一切沙門雜物，盡聽弟子家取之。」爾時世尊告諸比丘：「汝等若須衣裳鉢器及居士師壇法澡灌及餘一切沙門雜物，聽使取此，勿足疑難，起想著心。」爾時世尊與長者阿那邠持說微妙法，說微妙法已，便從坐起而去。當於爾時，阿那邠持復於四城門而廣惠施。第五市中，第六在家須食與食須。

漿與漿須車乘妓樂香熏瓔珞悉皆與之。尔時世尊聞長者阿那邠持於四城門中廣作惠施復於大市布施貧乏復於家內布施無量。尔時世尊告諸比丘我弟子中第一優婆塞好喜布施所謂須達長者是。尔時諸比丘聞佛所說歡喜奉行。

聞如是一時佛在舍衛國祇樹給孤獨園。尔時阿那邠持長者便往至世尊所頭面禮世尊足在一面坐。世尊告曰云何長者貴家恒布施貧乏耶。長者對曰如是世尊恒布施貧乏於四城門而廣布施復在家中給與所須。世尊我或時作是念并欲布施野獸飛鳥猪



狗之屬我亦無是念此應與此不應與亦復  
無是念此應與多此應與少我恒有是念一  
切衆生皆由食而存其命有食便存無食便  
喪世尊告曰善哉善哉長者汝乃以菩薩心  
專精一意而廣惠施然此衆生由食得濟無  
食便喪長者汝當獲大果報得大名稱為大  
果報聲徹十方得甘露法味所以然者菩薩  
之家恒以平等心而已惠施專精一意念衆  
生類由食而存有食便濟無食便喪是謂長  
者菩薩心所安處而廣惠施今時世尊便說  
此偈

盡當普惠施 終無悵悔心 必當遇良友

得濟到彼岸

是故長者當平等意而廣惠施如是長者當作是學。爾時長者聞佛所說歡喜奉行。

聞如是一時佛在舍衛國祇樹給孤獨園。爾時世尊告諸比丘。如我今日審知衆生根原所趣。亦知布施之報。最後一搏之餘。已不自食。惠施他人。爾時不起憎嫉之心。如毛髮許。以此衆生不知施之果報。如我皆悉知之。施之果報平等之報。心無有異。是故衆生不能平等施。而自墮落。恒有慳嫉之心。纏裹心意。爾時世尊便說偈曰。

衆生不自覺 如來之言教 常當普惠施。



專向真人所

志性以清淨

所獲福倍多

等共分其福

後得大果報

所施今善哉

心向廣福田

於此人間逝

必生於天上

已到彼善處

快樂自娛樂

吉祥甚歡悅

一切無乏短

以天威德業

玉女為營從

平等之施報

故獲此福祐

尔時諸比丘聞佛所說歡喜奉行

聞如是一時佛在舍衛國祇樹給孤獨園

時世尊告諸比丘汝等莫畏福報所以然者

此是受樂之應甚可愛敬所以名為福者有

此大報汝等當畏無福所以然者此名苦之

原本愁憂苦惱不可稱紀無有愛樂此名無

福比丘昔我自念七年行慈心復過七劫不來  
此世復於七劫中生光音天復於七劫生空  
處天梵天處爲大梵天無與等者統百千世  
界三十六變爲天帝釋形無數世爲轉輪王  
是故諸比丘作福莫倦所以然者此名受樂  
之應甚可愛敬是謂名爲福汝等當畏無福  
所以然者苦之原本愁憂苦惱不可稱紀此  
名無福余時世尊便說此偈

使哉福報 所願者得速至滅盡 到無爲處  
正使億數 天魔波旬 亦不能燒 爲福業者  
彼恒自求 賢聖之道 便盡除苦 後無復憂  
是故諸比丘爲福莫厭是故諸比丘當作是



學介時諸比丘聞佛所說歡喜奉行  
聞如是一時佛在舍衛國祇樹給孤獨園介  
時世尊告諸比丘若有承順一法不離一法天  
魔波旬不能得其便亦不能來觸娆人云何爲一  
法謂功德福業所以然者自憶往昔在道樹  
下與諸菩薩集在一處弊魔波旬將諸兵衆  
數千万億種種形貌獸頭人身不可稱計天  
龍鬼神阿須倫迦留羅摩休勒等皆來雲集  
時魔波旬而語我言沙門速投乎地佛以福  
德大力降伏魔怨諸塵垢消無有諸穢便成無  
上正真之道諸比丘當觀此義其有比丘功  
德具足者弊魔波旬不能得便壞其功德介

時世尊便說此偈

有福快樂無福者苦今世後世為福受樂  
是故諸比丘為福莫倦今時諸比丘聞佛所  
說歡喜奉行

聞如是一時佛在舍衛國祇樹給孤獨園  
時世尊告諸比丘若有比丘修行一法便不  
能壞敗惡趣一為趣善一為趣至泥洹云何  
修行一法不能壞敗惡趣所謂心無篤信是  
謂修此一法不壞惡趣云何修行一法趣善  
趣者所謂心行篤信是謂修此一法得趣善  
趣云何修行一法得至泥洹所謂恒專心念  
是謂修行此法得至泥洹是故諸比丘專精



心意念諸善本如是諸比丘當作是學尔時  
諸比丘聞佛所說歡喜奉行

聞如是一時佛在舍衛國祇樹給孤獨園尔  
時世尊告諸比丘若有一人出現於世此衆  
生類便增壽益筭顏色光潤氣力熾盛快樂  
無極音聲和雅云何爲一人所謂如來至真  
等正覺是謂一人出現於世此衆生類便增  
壽益筭顏色光潤氣力熾盛快樂無極音聲  
和雅是故諸比丘常當專精一心念佛如是  
諸比丘當作是學尔時諸比丘聞佛所說歡  
喜奉行

無慢二念檀

二施慳無厭

施福魔波旬

惡趣及一人

增一阿含經卷第四

蘭

靡

緬彼反無也

眩惑

上音縣目亂兒

伺捕

上相寺反下音步

一察提調

戲

上徒反徑

古定反

觸媯

下音遶鳥反

唐捐

下音緣唐徒也空也捐弃也

邠持

上布反

甘饌

下床戀反食也

斟酌

上音針

鍼箒

上針字下音童

澡灌

上音早正作罐

下音瓶

反

恠悔

下呼每反

揣

徒官反正作攄



